

FILOZOFSKI FAKULTET UNIVERZITETA U SARAJEVU

ODSJEK ZA SOCIOLOGIJU

Komisija za pripremanje prijedloga za izbor u akademsko zvanje

Sarajevo, 27. 03. 2020. god.

NASTAVNO-NAUČNOM ODSJEKU ZA SOCIOLOGIJU

NASTAVNO-NAUČNOM VIJEĆU FAKULTETA

Predmet: Izvještaj Komisije o izboru u zvanje vanredni profesor

Na osnovu člana 106. 107. i 135. Zakona o visokom obrazovanju („Službene novine Kantona Sarajevo“, broj 33/17), člana 104. i 205. Statuta Univerziteta u Sarajevu, broj: 01-1093-3-1/18 od 28. 11. 2018. godine, Odluke Vijeća Fakulteta o raspisivanju konkursa za izbor akademskog osoblja u akademska zvanja, broj 02-01/461 od 20. 12. 2019. godine, Odluke Senata Univerziteta u Sarajevu o davanju saglasnosti za raspisivanje konkursa za izbor akademskog osoblja, broj: 01-1-28/20 od 29. 1. 2020. godine (djelovodni broj protokola Fakulteta: 02-01/54 od 31.1.2020. godine), prijedloga Odsjeka za sociologiju, broj 02-14/18 od 11.3. 2020. godine i mišljenja sekretara Fakulteta, broj: 03-02/225 od 16. 3. 2020. godine, Vijeće Fakulteta na 20. elektronskoj sjednici održanoj 23.3. 2020. godine, donijelo je Odluku o imenovanju Komisije za pripremanje prijedloga za izbor u zvanje VANREDNI PROFESOR za PODRUČJE (OBLAST): DRUŠTVENE NAUKE, POLJE: SOCIOLOGIJA, GRANA: TEORIJSKA I HISTORIJSKA SOCIOLOGIJE (predmeti: *Historija socijalnih i političkih doktrina I* FIL SOC 110, *Historija socijalnih i političkih doktrina II* FIL SOC 113, *Moderne društvene/političke teorije* FIL SOC 210), GRANA: POSEBNE SOCIOLOGIJE (predmet: *Sociologija kulture I* FIL SOC 212), GRANA: SOCIOLOGIJA ZNANJA (predmet: *Sociologija znanja i znanosti* FIL SOC 320), GRANA: OPĆI PREDMET/I (predmet: *Sociologija* FIL SOC 100) na Odsjeku za sociologiju Filozofskog fakulteta Univerziteta u Sarajevu.

Komisija za pripremanje prijedloga za izbor u navedeno akademsko zvanje u sastavu:

1. Dr. Salih Fočo, doktor filozofskih nauka, redovni profesor Filozofskog fakulteta Univerziteta u Sarajevu, na predmetu *Opća sociologija*, predsjednik,
2. Dr. Ivo Komšić, doktor filozofskih nauka, profesor emeritus Filozofskog fakulteta Univerziteta u Sarajevu, na predmetima *Industrijska sociologija s osnovama političke ekonomije* i *Sociologija politike*, član,
3. Dr. Nijaz Ibrulj, doktor filozofskih nauka, redovni profesor Filozofskog fakulteta Univerziteta u Sarajevu, na predmetima *Logika sa metodologijom socioloških istraživanja I* i *Logika sa metodologijom socioloških istraživanja II*, član,

(u daljnjem tekstu: Komisija) podnosi Nastavno-naučnom odsjeku (podorganizacionoj jedinici) za sociologiju i Nastavno-naučnom vijeću Filozofskog fakulteta Univerziteta u Sarajevu sljedeći

## IZVJEŠTAJ

Konkurs za izbor u akademsko zvanje vanredni profesor za područje društvenih nauka, polje Sociologija, sa gore navedenim naučnim granama i nastavnim predmetima objavljen je u dnevnom listu „Oslobođenje“, na WEB stranici Univerziteta u Sarajevu i Filozofskog fakulteta Univerziteta u Sarajevu dana 15. 02. 2020. godine, a zaključen je dana 29. 02. 2020. godine. Na objavljeni konkurs prijavio se *jedan (1) kandidat*:

- *Dr. Vedad Muharemović, doktor socioloških nauka/znanosti.* Uz prijavu na konkurs kandidat je dostavio: Diplomom o stečenoj akademskoj tituli i naučnom zvanju *doktor socioloških nauka/znanosti* (ovjerena fotokopija) sa Dodatkom diplomi koji sadrži prepis ocjena i prosjek (ovjerena fotokopija), Diplomom o stečenoj akademskoj tituli i zvanju *magistar sociologije-znanstveni smjer* (ovjerena fotokopija) sa Dodatkom diplomi koji sadrži prepis ocjena i prosjek (ovjerena fotokopija), Uvjerenje o položenim ispitima na II ciklusu studija (ovjerena fotokopija), Diplomom o stečenoj visokoj stručnoj spremi i stručnom nazivu *profesor filozofije i sociologije* (ovjerena fotokopija), Uvjerenje o položenim ispitima s ocjenama iz pojedinih predmeta na studijskog grupi Filozofija i sociologija (ovjerena fotokopija), Biografiju (CV) i spisak objavljenih naučnih radova i projekata, Potvrdu Filozofskog fakulteta Univerziteta u Sarajevu od 17. 2. 2020. iz koje je vidljivo da je kandidat bio određen za mentora studenticama II ciklusa studija Lamiji Ibišević i Azri Cakić (original) sa ispisima iz COBISS baze podataka, Potvrdu Filozofskog fakulteta broj 03-01/9 od 18.2. 2020. godine iz koje je vidljivo da kandidat obavlja poslove u nastavnonaučnom procesu (original), Odluku Univerziteta u Sarajevu, br. 01-65672/15 od 30.9. 2015. godine o izboru u zvanje *docent* (original), Ugovor o djelu iz kojeg je vidljivo da je kandidat učestvovao u realiziranom projektu Učešće u nastavniom procesu edukacije iz okupacione terapije u mentalnom zdravlju u Federaciji Bosne i Hercegovine (fotokopija), Dopis Slovenskog sociološkog društva od 21. 2. 2020. godine (fotokopija), Izvod iz matične knjige rođenih (original), Uvjerenje o državljanstvu (original), knjigu i naučne radove.

Kandidat je prijavu sa dokumentima blagovremeno dostavio poštom te je dokumentacija potpuna.

### 1. Biografski podaci o kandidatu

Dr. Vedad Muharemović

Redovan studij filozofije i sociologije upisao je akademske 2001/02. godine na Odsjeku za filozofiju i sociologiju Filozofskog fakulteta u Sarajevu, na kojem je u redovnom roku diplomirao sa prosječnom

ocjenom 9,72 (filozofska grupa predmeta 10,0 i sociološka grupa predmeta 9,14), te stekao zvanje profesora filozofije i sociologije. Proglašen je najuspješnijim studentom generacije Odsjeka za filozofiju i sociologiju i bio kandidat za Zlatnu značnu Univerziteta u Sarajevu. Drugi ciklus studija sociologije u trajanju od četiri semestra kandidat je uspješno okončao 2010. godine i stekao zvanje magistra sociologije-znanstveni smjer. Treći ciklus studija (doktorski studij iz matične oblasti sociologija, Savremena sociologija i globalizacijski procesi) kandidat je uspješno okončao odbranom doktorske disertacije 18. 12. 2014. godine na Filozofskom fakultetu Univerziteta u Sarajevu, čime je stekao akademsko i naučno zvanje doktora socioloških nauka/znanosti.

2007. godine kandidat je na Filozofskom fakultetu Univerziteta u Sarajevu izabran u naučnonastavno zvanje asistent za oblast sociologije na Odsjeku za filozofiju i sociologiju (potom Odsjeka za sociologiju) sa reizborom u isto zvanje, te je 2011. godine izabran u zvanje višeg asistenta za oblast sociologije. 2015. godine izabran je u naučnonastavno zvanje docent za oblast Teorijske i historijske sociologije i Posebne sociologije na Odsjeku za sociologiju Filozofskog fakulteta Univerziteta u Sarajevu. Kandidat je u dosadašnjim naučnonastavnim zvanjima učestvovao u realizaciji nastavnog procesa na sva tri ciklusa studija (predavanja, seminari i vježbe) na Filozofskom fakultetu Univerziteta u Sarajevu.

Takoder, pored redovnih nastavnih i znanstvenih aktivnosti, kandidat je u dva mandata izabran za rukovodioca podorganizacione jedinice (Odsjeka) za sociologiju, obavljao je funkciju koordinatora prvog bosanskohercegovačkog znanstvenoistraživačkog inkubatora (ZINK) a trenutno je i njegov rukovoditelj. Član je društva Academia Analytica (društvo za razvoj logike i analitičke filozofije u BiH), te je član ESA (European Sociological Association) Social Theory Research Network.

## 2. Znanstveni i stručni rad kandidata

Dr. Vedad Muharemović objavio je ukupno jednu (1) knjigu, jedanaest (11) znanstvenih radova, objavio je nekoliko prikaza knjiga i prijevoda socioloških tekstova, te je učestvovao u recenziranju knjiga iz oblasti socioloških teorija, kao i u recenziranju znanstvenih radova u zemlji i inozemstvu.

### 2.1. Znanstveno-stručni rad do izbora u posljednje zvanje docent

Do izbora u akademsko zvanje docent, Vedad Muharemović objavio je 5 znanstvenih radova, te je učestvovao u realizaciji više znanstvenih i stručnih projekata i aktivnosti, te je izlagao na nekoliko domaćih i međunarodnih simpozija iz oblasti sociologije i društvene teorije. U navedenom periodu do izbora u zvanje docent su objavljeni sljedeći znanstveni radovi, prikazi knjiga i prijevodi tekstova:

#### *Izvorni znanstveni radovi*

- Rortyjeva kritika fundacionalizma (ka filozofiji socijalnog senzibiliteta). SOPHOS 2/2009
- Etno-simbolizam vs. Modernizam u debatama o nacionalizmu. SOPHOS 3/2010

- Rekurentnost klasične sociologije. Kritika kritike Durkheimovog dualizma. SOPHOS 6/2013
- Simbolička moć u ulozi etnohistorije i geneze modernog nacionalizma. EDUCA VII/2014
- Nacionalizam i projekat impostiranja anomijske Bosne i Hercegovine. PREGLED LV/2014
- Teorija socijalne pulsacije, Ivo Komšić (prikaz knjige), SOPHOS 8/2015
- The Social Power of Mind. Introduction to Theory of Social Pulsation, Ivo Komsic (prikaz knjige). INTERNATIONAL SOCIOLOGY, SAGE PUBLICATION (Web of Science), v2/2013

*Stručni članci (prikazi knjiga i prijevodi tekstova)*

- An Invitation to Social Theory, David Inglis and Christopher Thorpe (prikaz knjige). SOPHOS 6/2013
- Ethno-symbolism and Nationalism. A Cultural Engagement, A. D. Smith (prikaz knjige), SOPHOS 3/2010
- Contemporary Debates on Nationalism, Ümut Ozkirimli (prikaz knjige). SOPHOS 2/2009
- Sociology, 5th edition. Anthony Giddens (prikaz knjige). ODJEK, jesen 2009.
- Nacije i nacionalizam, Warwick debata (Ernest Gellner i Anthony D. Smith) (prijevod teksta). DIJALOG, časopis za filozofiju i društvenu teoriju, 2/2008
- Pojmovi nacionalizma, Anthony D. Smith (prijevod teksta). DIJALOG, časopis za filozofiju i društvenu teoriju, 2/2008.

2.2. Znanstveno-stručni rad nakon izbora u posljednje zvanje docenta

Kandidat je nakon izbora u akademsko zvanje docent do sada objavio jednu knjigu i šest (6) znanstvenih radova, te učestvovao u realizaciji više projekata od kojih je značajan uspješno realizovan projekat u saradnji sa Federalnim ministarstvom zdravstva i Fakultetom zdravstvenih studija Univerziteta u Sarajevu pod nazivom Zdravstvo, okupaciona terapija u mentalnom zdravlju u Federaciji BiH, te projekt realizacije internacionalne i regionalne saradnje i umrežavanja nacionalnih socioloških asocijacija kojeg je realirala Slovenska sociološka asocijacija u saradnji sa International Sociological Association. Kandidat je bio mentor dva magistarska rada, član više komisija za odbranu magistarskih radnji te član dvaju komisija u odbranama doktorskih disertacija.

*Objavljena knjiga:*

- *Savremenost nacionalizma*. Sarajevo: Academia Analitica, 2019.

*Objavljeni znanstveni radovi:*

- Osnovi sociološkog karakteriziranja sopstva i individualnog identiteta. SOPHOS 12/2019
- Mythos nacionalizma vs. Logos globalizma i globalizacije. SOPHOS 11/2018
- Sopstvo u nacionalnim i postnacionalnim konstrukcijama. SOPHOS 10/2017
- Personalni identitet i nacionalizam. RADOVI FILOZOFSKOG FAKULTETA SARAJEVO, knj19/2016
- Neki uvidi u Gellnerovoj konstrukciji moderne nacije i poziciji imanentnog nacionalizma. SOPHOS 9/2016
- Nacionalizam: specifičan tip društvene činjenice i društvenog djelovanja. PREGLED, god 56, br. 2/2015.

### 3. Nastavno-pedagoški rad

Kandidat Vedad Muharemović je od 2007. godine u kontinuitetu angažiran u realizaciji nastave iz više nastavnih predmeta na prvom i drugom ciklusu studija, a od izbora u zvanje docenta je i član Vijeća doktorskog studija iz matične oblasti sociologija (Savremena sociologija i globalizacijski procesi), čiji je i sekretar iz reda nastavnika. Kandidat je kao asistent i viši asistent obavljao vježbe iz više nastavnih predmeta na prvom i drugom ciklusu studija sociologije, a od izbora u zvanje docenta kandidat, pored nastave iz nekoliko predmeta na koje je izabran, uspješno realizira izvođenje nastavnog procesa (predavanja, seminara i vježbi) iz više nastavnih predmeta koji su mu odlukama Odsjeka za sociologiju i odlukama Vijeća Fakulteta povjereni. Angažiran je i u svojstvu vanjskog saradnika za realizaciju nastave iz nastavnog predmeta *Sociologija kulture* na Filozofskom fakultetu u Zenici, te za realizaciju nastave iz nastavnog predmeta *Sociologija muzike* na Muzičkoj akademiji Univerziteta u Sarajevu.

### 4. Prijedlog sa obrazloženjem

Na osnovu prethodnog sadržaja Izvještaja koji prezentira znanstveni, stručni i nastavno-pedagoški rad kandidata, Komisija predlaže da se dr. Vedad Muharemović, docent za oblast Teorijska i historijska sociologija i Posebne sociologije izabere u zvanje VANREDNI PROFESOR za PODRUČJE (OBLAST): DRUŠTVENE NAUKE, POLJE: SOCIOLOGIJA, GRANA: TEORIJSKA I HISTORIJSKA SOCIOLOGIJE (predmeti: *Historija socijalnih i političkih doktrina I*, *Historija socijalnih i političkih doktrina II*, *Moderne društvene/političke teorije*), GRANA: POSEBNE SOCIOLOGIJE (predmet: *Sociologija kulture I*), GRANA: SOCIOLOGIJA ZNANJA (predmet: *Sociologija znanja i znanosti*), GRANA: OPĆI PREDMET/I (predmet: *Sociologija*) na Odsjeku za sociologiju Filozofskog fakulteta Univerziteta u Sarajevu.

Dr. Vedad Muharemović je tokom svoje akademske karijere uspješno učestvovao u realizaciji nastavnog procesa te dobijao najviše ocjene od strane studenata pri evaluacijama rada nastavnika na Filozofskom fakultetu u Sarajevu. Objavio je knjigu iz oblasti sociologije i društvene teorije koja tematizira i problematizira političku ideologiju nacionalizma koji se izučava u okviru historije društvenih i političkih teorija, a svojim znanstvenim radovima i izlaganjima je pokazao značajno interesovanje za sociologijsku teoriju, sociologiju saznanja,

sociologiju kulture i rubna područja filozofije i sociologije. Predmeti na koje Komisija predlaže da kandidat bude izabran su oni na kojima je kandidat bio angažiran u toku svoje ukupne akademske karijere (od izbora u zvanje asistent, viši asistent i docent) a znanstvena bibliografija kandidata ukazuje na ona polja referentnosti koja korespondiraju sa temama koje se izučavaju i kojima se educiraju studenti na sva tri ciklusa studija na Odsjeku za sociologiju Filozofskog fakulteta Univerziteta u Sarajevu.

Dr. Vedad Muharemović je stoga u formalno-pravnom (Zakon o visokom obrazovanju Kantona Sarajevo i Statut Univerziteta u Sarajevu) i akademskom smislu zadovoljio sve kriterije koji su neophodni za izbor u zvanje vanrednog profesora, što je vidljivo kako iz njegovog znanstvenoistraživačkog rada, tako i iz njegovog nastavno-pedagoškog rada, ali i ukupnog angažmana u akademskom, javnom i kulturnom prostoru. Uvažavajući sve što je istaknuto u ovom izvještaju, Komisija predlaže da se dr. Vedad Muharemović, docent za oblast Teorijske i historijske sociologije i Posebne sociologije, **izabere u zvanje vanrednog profesora** za područje (oblast): društvene nauke, polje: SOCIOLOGIJA, grana: TEORIJSKA I HISTORIJSKA SOCIOLOGIJA (predmeti: *Historija socijalnih i političkih doktrina I*, *Historija socijalnih i političkih doktrina II*, *Moderne društvene/političke teorije*), grana: POSEBNE SOCIOLOGIJE (predmet: *Sociologija kulture I*), grana: SOCIOLOGIJA ZNANJA (predmet: *Sociologija znanja i znanosti*), grana: OPĆI PREDMET/I (predmet: *Sociologija*) na Odsjeku za sociologiju Filozofskog fakulteta Univerziteta u Sarajevu.

#### KOMISIJA:

1. Dr. Salih Fočo, redovni profesor, predsjednik
2. Dr. Ivo Komšić, profesor emeritus, član
3. Dr. Nijaz Ibrulj, redovni profesor, član



**Alma Ahmetspahic**

---

**From:** Salih Foco <salih.foco@gmail.com>  
**Sent:** petak, 27. mart 2020. 13:49  
**To:** maida.besic@ff.unsa.ba; alma.ahmetspahic@ff.unsa.ba  
**Subject:** Izvještaj o izboru

Alma i Maida

Dostavljam vam izvjestaj o izboru Vedada Muharemovica u zvanje vanrednog profesora.  
Referat ce potpisati clanovi komisije kad se steknu uslovi a dali saglasnost.

Srdacno

Salih Foco

02-14/20-1

30.3.20

**Alma Ahmetspahic**

---

**From:** Nijaz Ibrulj <nib66.ph@gmail.com>  
**Sent:** subota, 28. mart 2020. 18:18  
**To:** alma.ahmetspahic@ff.unsa.ba; maida.besic@ff.unsa.ba; jelena.gakovic@ff.unsa.ba  
**Subject:** Saglasnost: Izbor doc.dr. Vedada Muharemovića

Poštovani,

SAGLASAN SAM da se Izvještaj Komisija za pripremanje prijedloga za izbor u akademsko zvanje doc.dr. Vedada Muharemovića i tabelirani pregled referenci za izbor u ovoj formi i sa navedenim sadržajem uputi Vijeću Filozofskog fakulteta u Sarajevu na dalju proceduru.

Srdačno,

Profesor dr. Nijaz Ibrulj



REPUBLIKA BOSNE I HERCEGOVINE  
UNIVERZITET U  
SARAJEVU  
Fakultet za  
Inženjering i  
Arhitekturu  
02-14/20-1  
Datum: 30.3.2020. god.

**Alma Ahmetpahic**

---

**From:** jelena.gakovic@ff.unsa.ba  
**Sent:** petak, 27. mart 2020. 15:17  
**To:** maida.besic@ff.unsa.ba; alma.ahmetpahic@ff.unsa.ba  
**Subject:** Fwd: Re: Konkurs Vedad Muharemovic

----- Izvorna poruka -----

Naslov: Re: Konkurs Vedad Muharemovic  
Datum: 2020-03-27 14:24  
Od: Ivo Komšić <ivo.komsic@bih.net.ba>  
Za: jelena.gakovic <jelena.gakovic@ff.unsa.ba>

Saglasan sam sa materijalima.  
Ivo Komšić

----- Original Message -----

Od: "jelena.gakovic" <jelena.gakovic@ff.unsa.ba>  
Prima: "Nijaz Ibrulj" <nib66.ph@gmail.com>, "Ivo Komšić" <ivo.komsic@bih.net.ba>  
Poslano: Friday, 27 March, 2020 2:12:43 PM  
Tema: Konkurs Vedad Muharemovic

Postovani profesori Komsic i Ibrulj,

U prilogu ovoj poruci nalazi se Izvještaj Komisije o izboru u zvanje vanredni profesor za doc.dr. Vedada Muharemovica koji mi je proslijedio prof.dr.Salih Foco.

Kao clanovi Komisije trebate poslati mail da ste saglasni na sljedece adrese:

[maida.besic@ff.unsa.ba](mailto:maida.besic@ff.unsa.ba)  
[alma.ahmetpahic@ff.unsa.ba](mailto:alma.ahmetpahic@ff.unsa.ba)

Molim Vas stavite i mene u cc.

Ostajte zdravo,  
Doc.dr. Jelena Gakovic

## Alma Ahmetspahic

---

**From:** jelena.gakovic@ff.unsa.ba  
**Sent:** ponedjeljak, 30. mart 2020. 22:01  
**To:** 'Alma Ahmetspahic'; Taida Suljkic  
**Subject:** E-SJEDNICA Odsjeka za sociologiju  
**Attachments:** Dnevni red docx.pdf

FEDERACIJA BOSNE I HERCEGOVINE  
UNIVERZITET U SARAJEVU  
FILOZOFSKI FAKULTET  
SARAJEVO  
Broj: 2-14/20-3  
Datum: 30. 3. 2020. god

E-SJEDNICA Odsjeka za sociologiju 30.3.2020.

Poštovana,

Ovim putem želim Vas izvjestiti o toku elektronske sjednice Odsjeka za sociologiju i jednoglasnom usvajanju svih tačaka Dnevnog reda (u prilogu).

Elektronska sjednica Odsjeka za sociologiju Filozofskog fakulteta Univerziteta u Sarajevu sazvana je u ponedjeljak, 30.marta, 2020. sa rokom za glasanje do utorka 31.3.2020. - 11 sati). Prijedlozi u okviru Dnevnog reda usvojeni su jednoglasno i bez primjedbi elektronskom poštom 30.3.2020.godine.

ČLANOVI VIJEĆA ELEKTRONSKE SJEDNICE koji su glasali ZA (redosljedom glasanja): doc. dr. Jelena Gaković, doc.dr Tomislav Tadić, Doc.dr. Vedad Muharemović, doc.dr. Adnan Fočo, prof. dr. Salih Fočo.

Molim Vas da oglasite usvojeni Izvještaj Komisije o izboru u zvanje vanredni profesor na web stranici Filozofskog fakulteta i uputite materijale Nastavno-naučnom Vijeću Filozofskog fakulteta u Sarajevu u dalju proceduru. ž

Zahvaljujem se unaprijed i stojim na raspolaganju za eventualna pitanja.

Srdačno,

Doc.dr. Jelena Gaković  
RUKOVODITELJ PODORGANIZACIONE JEDINICE